

dtv

Ingo Schulze
33 Augenblicke
des Glücks



3 3

muments da ventira

Tuts che tschertgan lur ventira – dentant è ella uschia manavel, en las acziun dal mintgadi.

Anita Simeon

“Avant in onn ha jau realisà in siemi e sun viaggià per tren a Petersburg. Jau parteva mes cumpartiment cun ina Russa bainpetgnada, cun ses um e cun in Tudestg.” Hofmann era il num dal viaggiatur Tudestg – ed el relascha a la raquintadra siva d’ina notg turbulenta tranter Bialstok e Pskow ina mappa plain da fantasias litteraras. L’autur raquinta d’ina citad, che ha fascinà generaziuns da scribents, d’artists e da musicists. Ina citad, nua che l’istorgia para da respirar or da mintga fessa e nua che mintga mir para d’esser cuvretg d’ina patina fina.

Go east, quai è bain il colm dal davos deceni. E sco che blers èn seguids al colm al occident per chattar lur ventira, uschia profiteschan blers da l’avertura dals cunfins cunter l’ost e seguan al colm dal occident. Chattar sia ventira na chatt’ins però betg cun tschertgar aur u cun investir en firmas marodas russas. La ventira schea en las chaussas dal mintgadi.

Ingo Schulze raquinta istorgias obscuras, legras e fitg finas – ils raquints n’èn betg da metter sut in chapela. Per Halloween datti qua per exaimpel il raquint da practicas sexualdiabolicas en ina sauna russa. I dat però er istorgias pertugond l’assimilaziun dal ester en questa citad che obedi-scha a mamuschka Russia e siva datti surtut er ils raquints da scenas da mintgadi che pertutgan, uschia per exaimpel l’istorgia d’in portiera che survegn in flacon da parfum, ch’ella pertgira da tut las scuidanzas. Ingo Schulze è cun ses debut prosaic vegnì da circumscriber ina societad fitg variada e lur muments da ventira. In cudesch ch’è n’è betg dal tutfatg nov, ma che renda la paina da leger.